

uposlenike u službama sa obavezama i postupcima koji proističu iz plana zaštite i spašavanja,

- 7) izvršavaju i obezbjeđuju izvršavanje zakona, drugih propisa i općih akata i vrše druge poslove u području zaštite i spašavanja, u skladu sa Zakonom, drugim propisima i općima aktima.

Općinske službe su dužne da zadatke iz stava 1. ovog člana razrađuju u svojim planovima rada."

Član 8.

U članu 15. stav 1. i za riješi "Binježevo" stavlja se zarez i dodaje riječ "Miševići".

Član 9.

U članu 16. broj "15" se zamjenjuje brojem "20", broj "21" se zamjenjuje brojem "26", a iza riječi "povjerenika" se dodaje riječ "u naselju".

Član 10.

U članu 17. broj "15" se zamjenjuje brojem "20".

Član 11.

U članu 24. broj "23" se zamjenjuje brojem "28".

Član 12.

U članu 30. iza riječi "Binježevo" stavlja se zarez i dodaje riječ "Miševići".

Član 13.

U članu 35. broj "34" se zamjenjuje brojem "39", a riječ "predloženoj" se zamjenjuje riječju "donešenoj".

Član 14.

Dosadašnja poglavlja "III do XII" postaju poglavlja "IV do XIII", a članovi "8. do 43." postaju članovi "13. do 49."

Član 15.

Ova Odluka stupa na snagu danom donošenja i objavit će se u "Službenim novinama Kantona Sarajevo."

broj 01-01.2-2585/09.  
26. marta 2009. godine  
Sarajevo

Predsjedavajući  
Općinskog vijeća Hadžići  
**Jazid Bajrić**, s. r.

## OPĆINA NOVO SARAJEVO

### Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 42. Statuta Općine Novo Sarajevo ("Službene novine Kantona Sarajevo", broj 12/06 - Prečišćen tekst, 14/08 i 25/08), načelnik Općine Novo Sarajevo, 24. marta 2009. godine, verificirao je i donio

### ODLUKU

#### O KOREKCIJI IZMJENA I DOPUNA REGULACIONOG PLANA "KVADRANT C1-MARIJIN DVOR"

Član 1.

Usvaja se korekcija Izmjena i dopuna Regulacionog plana Gradskog centra "KVADRANT C1 - MARIJIN DVOR" (u daljnjem tekstu: korekcija Plana, "Službene novine Kantona Sarajevo", broj 5/06).

Član 2.

Korekcija Plana se odnosi na uspostavljanje još jednog kolskog pristupa sa planirane i izvedene saobraćajnice, koja povezuje ulicu Zmaja od Bosne i Sjevernu longitudinalu. Prema dostavljenom Idejnom rješenju kompleksa Ambasade SAD, planirani pristup (priključak) se koristi kao pristup planiranom parkingu za posjetioce. Planirani priključci sa I transverzale se neće koristiti te se ovom korekcijom Plana ne planiraju.

Član 3.

Korekcija Plana sastoji se iz tekstualnog dijela i grafičkog priloga br. 5 (Urbanističko rješenje u mj. 1:1000) i grafičkog priloga broj 1 (Saobraćajno rješenje u mj. 1:1000). Tekstualni dio i grafički prilozi korekcije Plana su sastavni dio Izmjena i dopuna R.P. "Kvadrant C1 - Marijin Dvor" ("Službene novine Kantona Sarajevo", broj 5/2006). Korekcija Regulacionog plana je radna za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje usvojene korekcije Plana sa idejnim rješenjima koja su sastavni dio usvojene Izmjene i dopune R.P. "Kvadrant C1-Marijin Dvor", te pribavi saglasnost nadležnih javnih komunalnih preduzeća.

Član 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novo Sarajevo, Gradskoj upravi - Služba za urbano planiranje i Zavodu za planiranje razvoja Kantona Sarajevo.

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-2622/09  
24. marta 2009. godine  
Sarajevo

Općinski načelnik  
Općine Novo Sarajevo  
**Nedžad Koldžo**, s. r.

Na osnovu člana 133. Zakona o prostornom uređenju ("Službene novine Kantona Sarajevo", broj 07/05), člana 15. Zakona o principima lokalne samouprave u FBiH ("Službene novine Federacije BiH", broj 49/06) i člana 42. Statuta Općine Novo Sarajevo ("Službene novine Kantona Sarajevo", broj 12/06, 14/08, 25/08), načelnik Općine Novo Sarajevo donosi

### PRAVILNIK

#### O NAČINU FORMIRANJA KOMISIJE ZA TEHNIČKI PREGLED GRAĐEVINA

Član 1.

Ovim Pravilnikom utvrđuje se način formiranja Komisije za vršenje tehničkog pregleda građevina (u daljnjem tekstu: Komisija).

Član 2.

Komisiju rješenjem formira općinski načelnik putem Službe za poslove urbanizma.

Komisija se formira od stručnih lica sa Liste za vršenje tehničkog pregleda građevina u skladu sa Zakonom o prostornom uređenju i ovim Pravilnikom (u daljnjem tekstu: Lista).

Član 3.

Komisija ima predsjednika i najmanje jednog člana.

Komisija obavezno treba imati po jednog stručnog člana za svaku vrstu radova.

Broj članova komisije ovisi o vrsti i složenosti građevine.

U radu Komisije ne mogu učestvovati službena lica koja su u nadležnoj službi direktno uključena u postupak donošenja odobrenja za građenje.

Član 4.

Član Komisije koji u roku od 7 dana od dana prijema rješenja ne poduzme aktivnosti na poslovima tehničkog pregleda, zamjenjuje se narednim kandidatom sa Liste, a u skladu sa kriterijima iz člana 10. ovog Pravilnika.

Članovi Komisije koji postupaju suprotno odredbama zakona ili se dva puta zamijene narednim kandidatom sa Liste, gube pravo da vrše tehnički pregled građevina u ovoj godini.